

**PENEMPA
BEJAKU.**



Lesson 1 for October 3, 2026



"Dulu kelia Allah Taala suah bendar bejaku ngagai aki ini kitai, ngena mayuh macham chara, beseruanka sida nabi, tang ba hari ti penudi tu, Iya udah bejaku ngagai kitai ngena Anak Iya Empu, ke diletak Iya bempu semua utai. Lalu ulih Anak Iya, Iya udah mega ngaga dunya. ." (Hebrews 1:1-2)

Kati nuan kala bejaku terus enggau Petara? Bisi nuan kala ulih ninga jaku Iya? Saut iya, terang bendar, iya nya: “Nadai.”

Kitai semina ulih bejaku enggau Allah Taala nengah chara ti enda terus (sampi, Bup Kudus, bala nabi, ...)

Nama kebuah kitai enda ulih bejaku terus enggau Allah Taala? Kati iya endang baka tu ari suba? Kati kitai bisi maya ulih ngereja nya?



1

Baka ni Petara asal iya berandau enggau mensia?

2

Baka ni mensia badu agi berandau enggau Petara?

3

Baka ni Petara nguji deka mulaika kaul berandau enggau mensia?

4

Nama kebuah kitai enda ulih berandau terus enggau Tuhan diatu?

5

Baka ni kitai ulih berandau enggau Petara kemaya hari tu?

BAKA NI PETARA ASAL BERANDAU ENGGAU MENSIA?

"Ku TUHAN Allah Taala bejaku ngagai orang nya, "Nuan tau makai buah ari semua kayu dalam kebun tu," " (Genesis 2:16)



Ba pun iya kelia, Allah Taala ngaga dunya ngambika diuan mensia (Isaiah 45:18).

Lebuh semua utai udah sedia, Iya ngaga Adam ari amau tanah (P-kal. 2:4-7).

Ba hari ti sama, Iya ngaga Hawa ari siti ari tulang rusuk Adam (P-kal. 2:18, 21-22).

Mensia diatu udah lengkap sereta besedia deka diau ba dunya ti baru digaga (P-kal. 1:27).



BAKA NI PETARA ASAL BEJAKU ENGGAU MENSIA?

"Ku TUHAN Allah Taala bejaku ngagai orang nya, "Nuan tau makai buah ari semua kayu dalam kebun tu, ' " (Genesis 2:16)



Maia nya kelia, mayuh utai dipadah Petara ngagai Adam:

- 🌿 Iya meri iya atur pasal pengawa ti patut dikereja iya di Eden (P-kal. 2:15).
- 🌿 Iya madahka tikas pengawa iya (P-kal. 2:16-17).
- 🌿 Iya ngasuh iya meri nama ngagai semua (P-kal. 2:19).
- 🌿 Iya mai iya bekelala enggau Hawa, lalu nyerakupka seduai iya dalam tikah (P-kal. 2:22-24).

BAKANI TERUBAH PUN IYA KELIA PETARA BEJAKU ENGGAU MENSIA

"Ku TUHAN Allah Taala bejaku ngagai orang nya, "Nuan tau makai buah ari semua kayu dalam kebun tu, " "
(Genesis 2:16)

Allah Taala madah ngagai Adam seduai Hawa baka ni seduai iya patut begulai serta madah ka utai ti patut diempa seduai iya (P-kal. 1:28-29).

Iya ngaga sida nyadi mensia ti begulai, serta nemu berandau, ukai semina antara seduai empu, tang enggau utai ke idup ti bukai (baka, ambika chunto, melikat).

Udah nya iya ngeletak ka hari ti ketujuh alai ngetu gawa ngambika sida ulih begulai enggau pangan diri sepemanjai hari nya.

Berengkah ari maya nya, iya betemu enggau sida ninting hari lebuah hari lindap (P-kal. 3:8 NIV).



BAKA NI MENSIA NGETU BERANDAU ENGGAU PETARA?

"Lelaki nya lalu nyaut, "Aku ninga Nuan bisi dalam kebun, lalu aku takut, laban aku telanjai. Nya alai aku belalai."" (Genesis 3:10)



Adam seduai Hawa ditempa enggau penau ti nemu milih peneka diri empu. Ngambika sida ulih milih sepeneka ati sida empu, Allah Taala meri sida semua utai, tang nyimpan sepun kayu ke Iya Empu (P-kal. 2:16-17).

Ba pun kayu ti sama, bisi penguji, ti nyaru diri nyadi ular lalu ngaga diri mentas enggau Adam seduai Hawa, madahka seduai iya mayuh macham jaku bula (ti diturunka Hawa ngagai Adam): nuan deka idup belama iya ("nuan enda mati"); kita deka nyadi petara ("kita deka nyadi baka Allah Taala"); Allah Taala ngelamun pemendar ari nuan ("Allah Taala nemu nya...") (P-kal. 3:1-5).



Tetarit ati enggau utai ti nyelai ari buah ti ditagang nya, Hawa makai buah nya lalu nipu Adam, lalu sama makai (P-kal. 3:6).

Tekala nya, serayong mulia ti nutup seduai iya lesap; seduai lalu nemu diri telanjai; lalu seduai ngiga chara dikena ngelalai ka penyalah diri (P-kal. 3:7).



Penyalah ti nangkanka nya, seduai berasai besalah ketegal enda ngasika Allah Taala nyentukka seduai enggai agi berandau enggau Allah Taala (P-kal. 3:8).

BAKA NI PETARA NGUJI MULAI KA KAUL NYA BARU?

"Tang TUHAN Allah Taala ngangauka lelaki nya, ku Iya, "Dini alai nuan?" (Genesis 3:9)




Petara udah nemu Adam seduai Hawa udah bedosa, Petara—nitih ka adat Iya— datai ngagai seduai deka bejaku enggau seduai iya. Nya meh ke terubah iya, ari ti gaga ati pansut betemu enggau Iya, Allah Taala nyau ngangau deka betemu enggau seduai Iya (P-kal. 3:8-9).

Taja seduai enggai berandau enggau Allah Taala, tang Allah Taala endang deka berandau enggau seduai. Iya enda ngelarika diri ari orang ti bedosa, tang betapi enggau dosa sida, minta sida nesal ati (P-kal. 3:10-11).

Beratus taun udah nya, Allah Taala nging lalu merening ngagai siku orang ti bedosa ngambi ka iya ngesal ati: Peter (Lk 22:61-62).

Bebida enggau Peter ti ngaku dosa iya, Adam seduai Hawa berengkah bekelikoh ka penyalah diri di mua Allah Taala lalu nyalahka orang bukai ketegal penyalah seduai iya (P-kal. 3:12-13).



Kemaya hari tu, kitai mensia mega nitihka chara ti sama. Kitai bepegai ba dosa lalu nguji bedalih ka penyalah diri. Taja pan dosa “lekat” ba kitai, Allah Taala tetap deka ngasoh kitai manah baru, lalu Iya ngangau kitai: “Datai ngagai Aku” (Isaiah 55:3).



NAMA KEBUAH KITAI ENDA ULIH BERANDAU TERUS ENGGAU TUHAN DIATU?

"Udah nya TUHAN Allah Taala ngengkahka melikat cherubim enggau pedang ti beapi-api, ti mantap kia-kia, ba tisi timur kebun nya kena nyaga jalai ngagai kayu pengidup nya." (Genesis 3:24)



Allah Taala mantaika ngagai sepasang laki bini ti bedosa nya empas ari dosa seduai iya, siti ari nya seduai enda ulih bejaku terus enggau Allah Taala baru pengudah seduai iya dibuai ari Eden (P-kal. 3:16-24).

Asil ulih ari nya:

Eve


- Pedis maya beranak .
- Pengerugi sebaka enggau Adam .

Adam

- Gawa enggau bebendar
- Betanam ngulih ka pemakai

Semua

- Pemat
- Beserara ari Petara



Sebedau ngenataika upah dosa, Allah Taala mantaika sida chara mutarka penanggul: siku peturun Hawa deka ngalahka kuasa sitan lalu mulaika asal gaya mensia ti bendar (P-kal. 3:15).

Nengah bala nabi, Allah Taala ngenataika jalai penebus dikemujurka: Allah Taala Empu nyadi mensia, merinsa mati ketegal dosa kitai, angkat idup baru, lalu meri kitai pengidup ti meruan belama iya (Is. 9:6; 53:6, 10-11).

Berengkah ari penumbuh dosa, bakanya mega janji tentang Juruselamat.





BAKA NI KITAI ULIH BERANDAU ENGGAU PETARA KEMARI TU?

"Anak mensia, diatu Aku ngaga nuan nyadika jejaga orang Israel. Nuan enda tau enda madahka ngagai sida jaku tangkan ti diberi Aku ngagai nuan." (Ezekiel 33:7)



Dikena berandau enggau kitai kemaya hari tu, Allah Taala udah nulis dua iti "bup kena ngiga pemendar": Pemungkal, enggau Bup Kudus (Rom. 1:20; 2 Tim. 3:15).

Taja pan utai ti udah digaga bejaku enggau kitai pasal Penempa, tang iya balat amat kamah ketegal dosa. Tang Bup Kudus ngundan penerang ti terus, ti dipansutka bala nabi ti nerima pesan ari Petara. Dalam Bup Kudus, kitai mega tetemuka pemandangan Allah Taala ti pemadu badas dalam pengidup enggau pengawa Jesus (Heb. 1:1-2).

Dalam nya, kitai nemu sapa kitai, ari ni penatai kitai, enggau dini endur kitai deka mansang. Dia kitai nemu tuju Allah Taala ba pengidup kitai.

Kelimpah ari nya, Allah Taala berandau enggau kitai nengah sampi (Masmur 5:2); bala melikat (Kereja Rasul 8:26); bala nabi (Joel 2:28); lalu, kelebihan agi, nengah Roh Kudus (John 14:26).



“Bisi kerejasama antara mensia enggau Petara. Tang perambu tu balat dikachau ketegal penyalah Adam. Sitan mai iya bedosa, lalu Tuhan enggai berandau enggau iya udah iya bedosa enda baka ke dikerja iya lebuah iya nadai dosa.

Udah Adam labuh, Kristus nyadi pengajar Adam. Iya ngereja pengawa nganti Petara betunga enggau mensia, nyelamatkan bansa ari pematit tekala nya. Iya ngambi pengawa nyadi orang tengah. Adam seduai Hawa diberi timpuh endur seduai nguji pulai baru ngagai peneluk seduai iya, lalu dalam perambu tu semua peturun seduai iya diterima.

Enti nadai penebus Anak Allah Taala, dia nadai bisi chara kena ngenatai ka berekat tauka pengelepas ari Allah Taala ngagai mensia. Allah Taala chemburu enti adat Iya enda dipebasa. Pengawa ngelanggar adat nya udah nyerara Petara enggau mensia ti balat ngasoh takut. Ngagai Adam ti enda nemu diri salah, diberi kaul ti terus, nadai sekat, sereta lantang, enggau Pengaga iya. Pengudah iya ngelanggar adat, Petara semina deka berandau enggau mensia nengah Kristus enggau bala melikat.”

APPENDIX: CHERITA TENTANG PENGIDUP ELLEN G. WHITE



Ellen Gould enggau Elizabeth Harmon, anak biak ari lapan iku anak Eunice enggau Robert Harmon ada kena 26 November 1827 di Gorham, Maine, Amerika Serikat.

Enda lama udah sida sebilik pindah ngagai Portland, sebuah mengeri besai di Maine, dikena ngerembaika dagang sida ti begaga ka topi.

Lebuh Ellen beumur semilan taun, siku kaban sekelas iya nikauka batu ngagai iya, lalu ngujungka mua iya balat bakal. Penusah nya ngujungka iya napi empas ti meruan ti ngujungka iya badu besekula sereta nyekat pengidup sosial iya.



Sida sebilik nerima ajar William Miller, lalu Ellen dibaptisa ngagai gerija Methodist ba taun 1842.

Tang Ellen berasai lenyau, lalu arapka diri enda patut diselamatkan, nyentukka Pastor Levi Stockman nulung iya meretika pengerindu Allah Taala ti bendar.

Berengkah ari maya nya, iya balat rinduka Jesus lalu gawa ke Jesus sepemanjai umur iya.

